



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlvm VII. Quia in causis.

---

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

pter hoc, & l. ex parte 39. ff. famili. herciscunda, & notat Gl. fin. hic, Imola n. 1. Abb. n. 2.

## CAPITVLVM VII.

## Quia in causis.

## PARAPHRASIS.

Vniuersitas scholarium Parisiensium, cum interdum in iudicio stare deberet seti agendo, seu defendendo, & omnes comparere non possent, petiverunt ab Innoc. III. ut ipsis licet Procuratorem, seu Syndicu[m] instituere. Respondit Papa, Tametsi id eis, spectato communi iure concessum sit, tamen etiam auctoritate Apostolica se ipsis instituendi Procuratoris facultatem concedere.

## S V M M A R I V M.

1. *Vniuersitas potest ad causas agendas Procuratorem instituere.*
2. *Scholares ubi consuetum est, possunt inter se facere Collegium seu Vniuersitatem, ita ut Rectorem & Officiales eligant, atque statuta condant pertinencia ad facultatem suam, ita tamen, ut hoc modo superiori Magistrati subiecti, seu subordinati sint.*  
*Idem potest Communitas opificum in approbat rebus publicis.*
3. *Quae iuri communi concessa sunt interdum a Principe conceduntur ad maiorem confirmationem & securitatem.*

NOTANDVM I. Vniuersitas potest ad causas in iudicio agendas Procuratorem instituere. Nam eti[us] Procurator definatur, qui mandatu domini negotia aliena administrat, l. 1. ff. de Procurator. Tamen ipsa Vniuersitas, tanquam persona ficta, loco domini habetur, vt Gl. hic ait ver. de iure communi. Veruntamen Procurator ab Vniuersitate constitutus proprio vocabulo Syndicus, vel Actor appellatur, l. 1. s. Quibus, ff. Quod cuiusque Vniuersitatis, & c. vn. de Syndico.

2. NOTANDVM II. Scholares, ubi id consuetum est, facere possunt inter se Collegium,

um, seu Vniuersitatem, ita ut Rectorem, & Officiales elegant, atq[ue] statuta condant pertinencia ad facultatem suam, attamen hoc modo, ut superiori Magistrati subiecti, seu subordinati sint. Ita sumitur ex hoc c. & ex l. vlt. C. de iurisdictione omn. iudicium, vbi hoc ipsum traditur de communitatibus opificum in Rebus publ. approbat, & videri potest Bartol. & Abb. hic not. 2.

Contrarium tamen docet Gl. in cit. l. vlt. Quia Scholares, inquit, professionem non exercent, sed sub exercentibus sunt discipuli. Quemadmodum nec opificum discipuli Vniuersitatem, seu Collegium faciunt, sed eorum Magistri. Sed responderet hic Abbas; Quod etiam ipsi Scholares ad quædam sua negotia tractanda conuenire possint, & quibusdam locis soleant, ita ut propria & ipsi iuria, statuta, directores, &c. habeant. Imò ait Accursius in cit. l. 1. ff. Quod cuiusque Vniuersitatis, ver. aliorum; si sex studiosi in una domo habitent, quod facere possint Collegium licitum, ita ut Syndicum ipsis instituere liceat.

NOTANDVM III. Quæ iure communi concessa sunt, interdum a Principe conceduntur ad maiorem confirmationem, & securitatem. Quia concessio specialis pluris estimatur, quam generalis. Ita sumitur ex hoc c. & atinotau lib. 1. tract. 4. c. 23. n. 7. except. 3.

## CAPITVLUM VIII.

## Auditio[n].

## PARAPHRASIS.

Controversiae quædam erant inter Episcopum Egitanensem, & Episcopum Colubriensem, quas Papa Iudicibus delegaverat. Sed cum iustitia processus iudicium delegatorum in dubium reuocaretur, impetravit Colubriensis Episcopus, ut causa tota ad Sedem Apostolicam auocaretur. Verum cum tota causa processum examinata, & conclusa esset, ut nihil restaret præter sententiam ferendam, idem Episcopus Procuratorem, quem pro causa illa constituerat, non absque Sedis A-

Fffff , posse